

ԵՐԵՎԱՆԻ «ՄԽԻԹԱՐ ՍԵՔԱՍՏԱՑԻ» ԿՐԹԱՀԱՄԱԼԻՐԻ

ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ՝ ՌԱԴԻՈՆ ԵՐԵՎ ԵՎ ԱՅՍՕՐ

ՀԵՏԱԶՈՏԱԿԱՆ ՎԱՐԺԱՐԱՆԻ 11-ՐԴ ԴԱՍ.

ՍՈՎՈՐՈՂ՝ ՍԵՂԱ ԵՆԳԻԲԱՐՅԱՆ

ՂԵԿԱՎԱՐ՝ ՍՈՖՅԱ ԱՅՎԱԶՅԱՆ

ԵՐԵՎԱՆ 2024Թ.

Մուտք

- Ներածություն
- Գլուխ 1. Ռադիոյի պատմությունը
- Գլուխ 1.1. Ռադիոն Հայաստանում
- Գլուխ 2. Ռադիոտունը Երևանում
- Գլուխ 2.1. Ռադիոյի զարգացման փուլերը
- Գլուխ 3. Ռադիոհաղորդումներն այսօր
- Հարցազրույց
- Եզրակացություն
- Գրականության ցանկ

**Ներածություն**

Ինչո՞ւ եմ ընտրել այս թեման.

Դեռ շատ փոքր տարիքից, երբ դեռ դպրոց չէի գնում, ես ու քույրս մեր սենյակում ունեինք ռադիո, որով լսում էինք շատ տարբեր

հաղորդումներ: Ինձ միշտ շատ հետաքրքիր էր ռադիոն, որովհետև 4 կամ 5 տարեկան Սեդան չէր հասկանում, թե որտեղից են հնչում այդ ձայները, և երբեք էլ չէր պատկերացնի, որ կգա մի օր, և նա կամավորական հիմունքով կաշխատի Հանրային ռադիոյի մանկապատանեկան

հաղորդումների տաղավարում: Որպես կրտսեր թղթակից՝ մասնակցում եմ ձայնագրությունների կամ ինքս եմ գնում հարցազրույցների: Իմ կարծիքով, ավելի խորը ուսումնասիրելով այս թեման, ինձ համար էլ կանեմ նոր բացահայտումներ ռադիոյի աշխարհում և ավելի շատ կսիրեմ ապագա մասնագիտությունս:

### ***Գլուխ 1. Ռադիոյի պատմությունը***

Ռադիոն ստեղծել է ռուս գյուտարար Ալեքսանդր Պոպովը 1895 թվականի մայիսի 6-ին (այդ օրը նախկին ԽՍՀՄ-ում նշվում էր որպես ռադիոյի օր):

Իրականում այնքան էլ այդպես չէ:

Պարզվում է, որ «ռադիոյի գյուտարար» կոչմանը հավակնում են բազմաթիվ մարդիկ: Նրանք բոլորն էլ ինչ-որ չափով ռադիո են հայտնագործել: Առաջին արտոնագիրը ստացել է ամերիկացի ատամնաբույժ Մալոն Լումիսը 1872 թվականին, ով դեռևս 1866 թվականին հայտարարում էր, որ հայտնաբերել է անթել կապի սարք: ԱՄՆ - ում ռադիոյի պիոներներ են համարվում նաև Խյուզը (1878թ. ), Էդիսոնը (1875թ., արտոնագիր՝ 1885թ.) և Տեյլան (արտոնագիրը՝ 1878թ.), Գերմանիայում՝ Հերցը (1890թ.), Ֆրանսիայում՝ Բրանլինը (1890թ.), Անգլիայում՝ Լոդջը (1894թ.), Հնդկաստանում՝ Չինդրու Բոշենը (1894թ.), Իտալիայում՝ Մարկոնին (1896թ.), և վերջապես Ռուսաստանում՝ Պոպովը:

Պարզվում է, որ հայերը ռադիոյի հայտնագործության գործում ոչ մի ավանդ չունեն, չնայած նրան, որ ամեն իրեն հարգող երկիր ունի իր

ռադիոյի գյուտարարը: Բայց դե, մի մխիթարություն էլ կա. մենք էլ ունենք աշխարհի ամենահայտնի և սիրված ռադիոն՝ «Հայկական ռադիոն»:

Այսպես, իտալացի մարկիզ Գուլիելմո Մարկոնին հաճախ համարվում է ռադիոյի հայրը: 19-րդ դարի վերջին և 20-րդ դարի սկզբին Մարկոնին փորձեր կատարեց և ստեղծեց առաջին գործնական ռադիոկապի համակարգը: Նա հաջողությամբ ուղարկեց և ստացավ ռադիոալիքներ զգալի հեռավորությունների վրա՝ ցույց տալով անլար կապի իրագործելիությունը: Մարկոնիի աշխատանքը հիմնված է բազմաթիվ գիտնականների և գյուտարարների հայտնագործությունների վրա, ովքեր նպաստել են էլեկտրամագնիսականության և անլար փոխանցման ըմբռնմանը: Նրա սկզբնական փորձերը հանգեցրին տեխնոլոգիայի զարգացմանը, որն ի վերջո վերածվեց ռադիոյի, ինչպես մենք գիտենք այսօր:

1895 թվականին Մարկոնին անլար ազդանշան ուղարկեց մոտ 1,5 մղոն հեռավորության վրա Բոսալիայում, և մինչև 1901 թվականը նա հաջողությամբ ռադիոազդանշաններ փոխանցեց Ատլանտյան օվկիանոսով՝ Անգլիայի Կորնուոլից մինչև Նյուֆաունդլենդ, Կանադա: Այս բեկումնային ձեռքբերումը շրջադարձային կետ դրեց գլոբալ հաղորդակցության մեջ և ճանապարհ հարթեց ռադիոտեխնոլոգիաների լայն կիրառման համար:



### ***Քլուիս 1.1. Ռադիոն Հայաստանում***

*Այս գլուխը սկսենք փոքրիկ նախաբանով.*

*Փետրվարի 13-ը Ռադիոյի համաշխարհային օրն է: Հայկական ռադիո և անկեղոտներ. առաջին հայացքից սրանք երկու տարբեր հասկացություններ են: Մինչդեռ տարիներ առաջ «հայկական ռադիո» ասելիս Խորհրդային Միության բազմազգ գրեթե բոլոր քաղաքացիները հասկանում էին նաև անկեղոտներ:*

*Իրականում ժամանակին ռադիոյի խմբագիրներն այստեղ-այնտեղ պատմել են այն զվարճալի դրվագները, որ տեղի են ունեցել ռադիոյի շենքի ներսում, աշխատակիցների սրամտությունները: Դրանք անցել են բերնեբերան ու վերածվել շարքի, մարդիկ էլ սկսել են նոր անկեղոտներ ավելացնել արդեն եղածներին:*

Առաջին պետական ռադիոկայանը Հայաստանում հիմնվել է Առաջին հանրապետության տարիներին: Պատմությանը հայտնի «Մարկոնի» տիպի «ուժեղ ռադիոկայանը» գնվեց Թիֆլիսում և Երևան տեղափոխվեց

1919 թվականի ապրիլի 28-ին: Այն ձայնային չէր, կիրառվում էր ռադիոհեռագրեր ուղարկելու համար: Կառավարության որոշմամբ ռադիոկայանը տեղակայվեց Երևանի երկաթուղային կայարանի վարչական շենքում և հանձնվեց Զինվորական նախարարությանը գավառների և այլ պետությունների հետ շուրջօրյա կապ հաստատելու համար: Պետական արխիվում պահվող փաստաթղթերից տեղեկանում ենք, որ ռադիոկայանն ուներ 9 կիլովատ և 17 ամպեր հզորություն, լրատվություն կարող էր ուղարկել մինչև 1000 վերստ: Ռադիոֆիկացման քարտեզի ստեղծումից և ռադիոաշտարակի կառուցումից հետո, 1926 թվականի սեպտեմբերի 1-ին հանրապետական նշանակության պետական ռադիոկայանը երկաթուղային կայարանի վարչական շենքից եթեր հեռարձակեց 25 րոպե տևողությամբ առաջին փորձնական ռադիոհաղորդումը:

Ընդմիջելով երաժշտությունը՝ հաղորդավար Սուրեն Քանանյանը մի քանի անգամ հայտարարել է. «Լսեցե՛ք, լսեցե՛ք, խոսում է Երևանի լայնահաղորդ կայանը» բառերն ու հաղորդել տեղական նշանակության մի քանի լուր:

Պահպանվել են հետաքրքիր տեղեկություններ առաջին փորձնական հաղորդումների նախապատրաստման մասին, թե ինչպես ռադիոհաղորդումների կազմակերպիչները շրջում էին Երևանով մեկ՝ այս կամ այն երգչին գտնելու և ռադիոկայան հրավիրելու համար: Հայտնի է նաև, որ դա ոչ միշտ էր հաջողվում: Համարյա նույնն էլ հիմա է...

1920-ականներին Երևանում մեծ բարձրախոսներ տեղադրվեցին:

Երաժշտություն և լրատվություն էր հաղորդվում այգիներում, քաղաքի տարբեր մասերում: Եթերը բաղկացած էր փոքր լրատվական բլոկից և երաժշտությունից, ընդ որում, այդ ժամանակ հաղորդումները չէին

ձայնագրվում, ուղիղ էին հեռարձակվում: Արևելյան անսամբլներ ու տարբեր երգիչներ ուղիղ հեռարձակմամբ էին եթեր դուրս գալիս: Բհարկե, եղել են նաև վրիպումներ. չէ՞ որ հաղորդավարներն օժտված չեն եղել հաղորդավարական հմտություններով, գրեթե բոլորը տեխնիկական աշխատողներ էին. ամեն բան դեռ նոր էր սկսվում: Պարբերական հեռարձակումները սկսվեցին 1927-ից:

Արդեն 1929թ.-ից հաղորդումներն սկսեցին վարել ռադիոհաղորդավարները: Առաջիններից էին Վերգինե Բաբայանն ու Սուրեն Քանանյանը: Ավելի ուշ բացվեց հաղորդավարների և լրագրողների դպրոց: Ռադիոյում աշխատել ցանկացողները փորձաշրջան պիտի անցնեին, լավ ձայն ունենային: Տեղին է հիշել այդ տարիների լավագույն հաղորդավարուհի Հրաչուհի Ջինանյանի խոսքերը. «Ամենահիմար նյութը, եթե ճիշտ ձայնով մատուցես, մարդիկ ոչ միայն կհավատան, այլև կհուզվեն»:

*Ավագ սերնդի ներկայացուցիչները և հատկապես Հայրենական մեծ պատերազմի վետերանները կհիշեն համամիութենական ռադիոյի հաղորդավար Յուրի Լևիտանին, որի ձայնը, ձայներանգն ու առողջանությունը զարմանք և հիացմունք են պատճառել ռադիոլսողներին:*

*Այստեղ մեջբերենք մի դրվագ. Մանուկ հասակում նրան անվանում էին «Շեփոր»՝ հնչեղ ձայնի համար: Չնայած այն բոլոր բնատուր տվյալների և տաղանդի, որով օժտված էր Լևիտանը, նրա ճակատագիրը կարող էր դասավորվել այլ կերպ, եթե չլիներ Ստալինը, ով մի օր երեկոյան լսել է, թե ինչպես է իրեն անձանոթ հաղորդավարը կարդում «Պրավդա» թերթի խմբագրական հոդվածը: Առաջնորդն անմիջապես զանգահարում է*

*Ռադիոկոմիտե և ասում, որ հաջորդ օրվա իր ելույթը կուսակցության  
XVII համագումարի բացմանը պետք է կարդա «այդ ձայնը»:*

Այնուհետև ռադիոն հայտնվում է խորհրդային իշխանությունների  
ուշադրության կենտրոնում: 1929 թ. վերջերին հիմնվեց հանրապետական  
ռադիոկոմիտեն, որի առաջին 12 աշխատակիցները նախկին  
ռադիոկայանի կամ ռադիոսիրողների շարժման մասնակիցներ էին:  
Բայց Ռադիոն, որպես քարոզչության անփոխարինելի միջոց, արդեն  
հայտնվել էր պետանվտանգության և կուսակցության ղեկավարության  
ուշադրության կենտրոնում: Ռադիոյում հնչած ամեն մի խոսք  
վերահսկվում էր:

Ու եթերից ասված ցանկացած ազատ միտք կարող էր շինծու մեղադրանք  
դառնալ Ռադիոյի «անցանկալի» աշխատողների և հյուրերի համար:  
Նրանց թվում հայտնվեց նաև ռադիոգործի նվիրյալներից մեկը՝  
ռադիոկայանի վարիչ Կոնստանտին Ավետիսյանը:

## ***Գլուխ 2. Ռադիոտունը Երևանում***

Առաջին ուղիղ ռադիոռեպորտաժը կազմակերպվեց 1934թ.-ի մայիսի 1-ին  
Երևանի Լենինի անվան (այժմ Հանրապետության) հրապարակից: Այն  
վարեց հաղորդավար Եղիշե Հովհաննիսյանը:

Հայրենական մեծ պատերազմի սկսելու մասին լուրը Հայաստանի  
ռադիոն հաղորդեց 1941 թ.-ի հունիսի 22-ին՝ ժամը 12-ին:

Այդ տարիներին Ռադիոն հաճախ պաշտոնական լրատվությունը եթեր էր



հեռարձակում՝ չսպասելով պաշտոնական ամփոփագրերի:

1950-ականները նշանավորվեցին նրանով, որ շահագործման հանձնվեց այն ժամանակվա լավագույն տեխնիկայով ու սարքավորումներով հագեցած Ռադիոտունը: Ճարտարապետի՝ Հովհաննես Մարգարյանի ոչ բոլոր մտահղացումներն իրականություն դարձան: Ըստ նախնական տարբերակների՝ Ռադիոտան ճակատային մասը պետք է պսակվեր եռաստիճան աշտարակով և սայրաձողով (շպիլ), որը պարզ երևում է էսքիզներում: Այն այդպես էլ չկառուցվեց, քանի որ 1955 թվականին ընդունվեց Կոմունիստական կուսակցության և ԽՍՀՄ կառավարության համատեղ որոշումը «Ճարտարապետական ավելորդությունների դեմ պայքարի» մասին:

Ռադիոյում հաղորդումներն սկսեցին երաժշտական ձևավորմամբ ներկայացվել 1950-ականներից՝ երաժշտական հաղորդումների գլխավոր խմբագիր Արամ Սաթունցի նախաձեռնությամբ:

1965 թ. -ին հիմնադրվեց ֆոնդային ձայնագրությունների խմբագրությունը:

Ձայնադարանին շենքի նկուղային հարկում նոր տարածք հատկացվեց: Ստեղծվեցին տեխնիկական պայմաններ ձայնագրությունների երկարատև պահպանման համար:



*Ռադիոտուն- Երևան, Ալեք Մանուկյան- 5*

### ***Փյունի 2.1. Ռադիոյի զարգացման փուլերը***

Ռադիոյի էվոլյուցիան իր վաղ օրերից ուշագրավ է եղել որպէս հաղորդակցման պարզ գործիք, վերածվելով բազմազան և բազմակողմանի միջավայրի, որը հարմարվել է տեխնոլոգիական առաջընթացին և հասարակական փոփոխություններին:

***Վաղ օրեր և հեռարձակվող ռադիո.*** Մարկոնիի բեկումնային փորձերից հետո ռադիոն զարգացավ որպէս կետ առ կետ հաղորդակցության միջոց: Այնուամենայնիվ, այն շուտով անցավ ռադիոյի հեռարձակմանը, որտեղ կայանները նորություններ, զվարճանքներ և երաժշտություն էին հաղորդում ավելի լայն լսարանի համար: Այս դարաշրջանը տեսավ

խորհրդանշական ռադիոհաղորդումների և անհատականությունների վերելքը:

**Ռադիոյի ոսկե դար.** 1920-1930-ական թվականներին ռադիոն դարձավ տնային տնտեսությունների համար ժամանցի կենտրոնական աղբյուր: Ռադիոթատրոնը, էստրադային շոուները և լուրերի հաղորդումները գերում էին ունկնդիրներին: Ընտանիքները հավաքվում էին ռադիոների շուրջ՝ երեկոյան ռադիոհաղորդումները միասին ունկնդրելու համար:

***FM և ստերեո հեռարձակում.***

20-րդ դարի կեսերին ներկայացվեց հաճախականության մոդուլյացիան (FM), որն ապահովում էր ձայնի ավելի լավ որակ՝ համեմատած ավելի վաղ ամպլիտուդի մոդուլյացիայի (AM) մեթոդի հետ: Ստերեո հեռարձակումն է՛լ ավելի բարձրացրեց աուդիո փորձը, որն ավելի հարստացրեց ձայնային բովանդակությունը:

**Թվային տեխնոլոգիաների** գալուստը իսկական հեղափոխություն էր ռադիոյում: Թվային հեռարձակումը, ինչպիսիք են՝ թվային աուդիո հեռարձակումը (DAB), HD ռադիոն և ինտերնետ հոսքը ապահովում էին ավելի հստակ ընդունում և ավելի շատ ալիքներ՝ թույլ տալով մասնագիտացված բովանդակություն ապահովել տարբեր հետաքրքրությունների համար:

**Ինտերնետ և հոսք.** Ինտերնետի առաջ գալով՝ ռադիոն ընդլայնվեց ցամաքային հեռարձակումների սահմաններից դուրս: Առցանց հոսքը և փողքասաթները ունկնդիրներին հնարավորություն են տվել մուտք գործել բովանդակություն ամբողջ աշխարհում՝ կոտրելով աշխարհագրական սահմանափակումները և առաջարկելով ըստ պահանջի ծրագրավորում: Բջջային և խելացի սարքեր. սմարթֆոնների և խելացի բարձրախոսների

տարածումը ռադիոն ավելի հասանելի է դարձրել: Հավելվածները և հոսքային ծառայությունները թույլ են տալիս օգտվողներին լսել իրենց սիրելի կայանները կամ փողքաստները ցանկացած վայրում և ցանկացած ժամանակ:

***Ինտեգրում այլ լրատվամիջոցների հետ.*** Ռադիոն ինտեգրվել է այլ լրատվամիջոցների հետ: Այժմ շատ կայաններ իրենց հեռարձակումները միաժամանակ հեռարձակում են առցանց, լսարանների հետ շփվում են սոցիալական լրատվամիջոցների միջոցով և ներառում են տեսանյութերի տարրեր իրենց բովանդակության մեջ:

***Փողքասթների առաջացում.*** Փողքասթները մեծ ժողովրդականություն են վայելել՝ առաջարկելով տարբեր թեմաներով բովանդակության լայն շրջանակ: Նրանք ապահովում են երկարատև պատմություններ, հարցազրույցներ, կրթություն և ժամանց՝ թույլ տալով ունկնդիրներին խորանալ կոնկրետ թեմաների մեջ:

Ռադիոյի էվոյուցիան շարունակվում է՝ հարմարվելով տեխնոլոգիական նորամուծություններին և փոխելով լսարանի նախասիրությունները՝ միաժամանակ մնալով տեղեկատվության, ժամանցի և մշակութային կապի կարևոր միջոց:

### ***Գլուխ 3. Ռադիոհաղորդումներն այսօր***

Ընդհանրապես և՛ ռադիոն, և՛ համացանցը ընդամենը տեխնոլոգիական պլատֆորմներ են: Մենք նույնպես օգտվում ենք համացանցի ընձեռած հնարավորություններից, այնտեղ տեղադրում ենք հաղորդումները, բայց այս ամենով ռադիոն չի դադարում ռադիո լինելուց: Ռադիոն աշխատող մարդու, աշխատանքի գնացող անհատի լրատվամիջոց է, այսինքն մարդը, որը ճանապարհին է և չունի համացանցի կամ հեռուստացույցի հնարավորություն, միանշանակ օգտվում է ռադիոյից:

Ո՞ր ռադիոհաղորդումներն են մարդիկ նախընտրում սովորաբար լսել:

Մարդկանց սիրելի ռադիոհաղորդումները կարող են շատ տարբեր լինել՝ կախված անձնական նախասիրություններից, մշակութային ազդեցություններից և տարածաշրջանից: Այնուամենայնիվ, որոշ համընդհանուր հայտնի ռադիոհաղորդումներ հաճախ առանձնանում են:

Դրանք են՝

*Երաժշտական շոուներ.* դրանք կարող են տատանվել որոշակի ժանրերում՝ փոփ, ռոք, դասական կամ ջազից մինչև նոր թողարկումներ, հին դասական կամ նույնիսկ տեղական երաժշտություն ներկայացնող շոուներ:

*Թոք շոուներ և փողքաստներ.* քննարկումներ, որոնք ընդգրկում են թեմաների լայն շրջանակ՝ քաղաքականությունից և առօրյա անցուդարձից մինչև ժամանց, ապրելակերպ, առողջություն և խորհուրդներ:

*Նորություններ և հասարակական հարցեր.* տեղական, ազգային և միջազգային նորությունների թարմացումներ, որոնք հաճախ խառնվում են վերլուծությունների, հարցազրույցների և բանավեճերի հետ:

*Հումոր և գվարճանք.* կատակերգական էսքիզները, ստենդ-ափ հատվածները, պատմվածքները և թեթևամիտ ժամանցային շոուները ունկնդիրները շատ են սիրում:

*Ձանգերի ինտերակտիվ շոուներ.* ծրագրեր, որտեղ ունկնդիրները կարող են զանգահարել՝ իրենց պատմությունները կիսելու, հարցեր տալու կամ քննարկումներին մասնակցելու համար:

Նախապատվությունները կարող են նաև կախված լինել օրվա ժամից: Այսպես. առավոտյան շոուները տրամադրում են նորություններ և թեթև ժամանց, մինչդեռ երեկոյան հաղորդումները կարող են ավելի շատ կենտրոնանալ երաժշտության կամ հանգստի վրա:

Կան բազմաթիվ փողքաստներ, որոնք նախատեսված են հատուկ երեխաների համար, որոնք հասանելի են նաև ռադիոհարթակներում: Այս փողքաստները սպասարկում են տարիքային տարբեր խմբերի և ընդգրկում են թեմաների լայն շրջանակ՝ պատանի և երիտասարդ ունկնդիրներին ներգրավելու համար: Երեխաների կողմից սիրված որոշ հայտնի ռադիոփողքաստեր ներառում են.

*Հեքիաթային փողքաստներ.* որը պատմում է պատմություններ, հեքիաթներ, ժողովրդական հեքիաթներ և արկածներ, որոնք հաճախ ուղեկցվում են ձայնային էֆեկտներով և երաժշտությամբ՝ գրավելու երեխաների երևակայությունը:

*Կրթական փողքաստներ.* ծրագրեր, որոնք ուղղված են դպրոցահասակ երեխաների՝ գիտության, պատմության, բնության և այլ կրթական թեմաների ուսուցումը գվարճալի և հասկանալի դարձնելու համար:

*Ժամանց.* փողքաստներ, որոնք ներկայացնում են պատանիների հարմար կատակներ, հանելուկներ, կատակերգական էսքիզներ և զվարճալի քննարկումներ ֆիլմերի, խաղերի կամ փոփ մշակույթի մասին:

*Երգ և երաժշտություն.* շոուներ, մանկական խմբերի և անհատների երաժշտական կատարումներ, և ինտերակտիվ հատվածներ, որոնք խրախուսում են շարժումն ու մասնակցությունը:

*Ինտերակտիվ շոուներ.* փողքաստներ, որտեղ երեխաները կարող են զանգահարել, հաղորդագրություններ ուղարկել կամ մասնակցել վիկտորինաների, մրցույթների:

Այս փողքաստները հաճախ ստեղծվում են երեխաներին զվարճացնելու և կրթելու նպատակով: Դրանք նախագծված են գրավիչ, զվարճալի և համապատասխան տարիքային տարբեր խմբերի համար՝ թույլ տալով երեխաներին լսել և սովորել հաճելի ձևով:

Երեկոյան մեծահասակները հաճախ փնտրում են հանգստի, զվարճանքի կամ երկար օրվանից հետո հանգստանալու հնարավորություն: Այս մթնոլորտին համապատասխանող ռադիոհաղորդումները կարող են ներառել.

*Երաժշտական շոուներ.* հանգստացնող երաժշտություն, ջազ, դասական մեղեդիներ, որոնք նախատեսված են հանգստանալու համար:

*Հարցազրույցներ կամ քննարկումներ.* խոսակցական ծրագրեր, որոնք ընդգրկում են այնպիսի թեմաներ, ինչպիսիք են արվեստը, մշակույթը, փիլիսոփայությունը կամ մարդկային ընտանեկան պատմությունները, որոնք մտածելու տեղիք են տալիս, բայց այնքան էլ խթանիչ չեն:

*Հումոր կամ թեթև ժամանց.* ունկնդրին հրամցվում են կատակերգական էսքիզներ, զվարճալի անեկդոտներ կամ թեթև քննարկումներ, որոնք օգնում են լիցքաթափվել և բարձրացնել տրամադրությունը:

*Հանգիստ և մեղիտացիա.* մասնագիտացված ծրագրեր, որոնք առաջարկում են ուղղորդված լիցքաթափման տեխնիկա, մեղիտացիայի սեանսներ կամ հանգստացնող ձայներ՝ հանգստանալու և քնի համար:



Ռադիոստուդիան

*Հարցազրույց ռադիոյի պատանի թղթակցի հետ*

[https://soundcloud.com/seda-](https://soundcloud.com/seda-yengibaryan/22di1a48gorq?si=6695c59cc18345c4ba1d34a18fbfc320&utm_source=clipboard&utm_medium=text&utm_campaign=social_sharing)

[yengibaryan/22di1a48gorq?si=6695c59cc18345c4ba1d34a18fbfc320&utm\\_source=clipboard&utm\\_medium=text&utm\\_campaign=social sharing](https://soundcloud.com/seda-yengibaryan/22di1a48gorq?si=6695c59cc18345c4ba1d34a18fbfc320&utm_source=clipboard&utm_medium=text&utm_campaign=social_sharing)

### ***Եզրակացություն***

Հետազոտական աշխատանքի թեման շատ հետաքրքիր էր: Կարծում եմ՝ աշխատանքը շատ օգտակար էր իմ ապագա մասնագիտության կողմնորոշման հարցում: Օգտվել եմ տարբեր նյութերից, հոդվածներից,



որոնք ընթերցելով էլ ավելի լավ եմ ճանաչել ռադիոն: Հարցազրույցներ եմ կատարել երիտասարդ թղթակիցների հետ: Երբ ընտրում էի այս թեման, կարծում էի, որ շատ բան գիտեմ, այնինչ ինձ համար կատարեցի նոր բացահայտումներ, որոնք իսկապես շատ հետաքրքիր էին:

Հետազոտությունս ինձ տարավ ռադիոյի աշխարհը, ես հասկացա, որ առանց խոչընդոտների չի կայացել այսօրվա ռադիոն, կարդացի, հասկացա ռադիոհաղորդավարների աշխատանքի դժվարությունները, պատասխանատվությունը:

Ինձ համար այս թեմայի շուրջ աշխատելն իսկապես շատ հետաքրքիր էր և, կարծում եմ, որ կշարունակեմ այն: Հետազոտությունս ինձ մտքեր տվեց նոր հաղորդումներ ստեղծելու, այլ կերպ ունկնդրին ներկայացնելու մասին:

Միբեի՛ ունկնդիրներ, ռադիոհաղորդում ընտրելիս հաշվի առեք ձեր անձնական հետաքրքրությունները և այն, ինչը ձեզ օգտակար է, երբեմն էլ օգնում է լիցքաթափվել: Ինչ-որ բան գտնելը, որը համապատասխանում է ձեր նախասիրություններին, կարող է օրվա ավարտն ավելի հաճելի դարձնել և հանգստացնող երանգ ստեղծել:

**Շնորհակալություն**

Աղբյուր՝

1. Հայաստանի հանրային ռադիո
2. Հայկական ռադիո
3. Հանրապետության առաջին ռադիոն

